

796 台中人口超越高雄 成做台灣
第二大城市

臺中人口超越高雄
Tâi-tiong jîn-kháu tshiau-
uât Ko-hiông

成做臺灣第二大城市
tsiânn-tsò Tâi-uân tē-jī
tuā siânn-tshī

是按怎欲揀這篇：
Sī-án-tsuánn beh kóng tsit
phinn:

臺灣的人口分佈沓沓仔咧變化，
Tâi-uân ê jîn-kháu hun-pòò
tâuh-tâuh-á teh piàn-huà,

臺中都會區漸漸咧發展，
Tâi-tiong too-huē-khu
tsiām-tsiām teh huat-tián,

成做第二大城市，
tsiânn-tsò tē-jī tuā
siânn-tshī,

毋過臺北都會區
m̄-koh Tâi-pak too-huē-khu

(包括臺北市恰新北市)
(pau-kuat Tâi-pak-tshī kah
Sîn-pak-tshī)

猶是臺灣人口上濟的城區。
iáu sī Tâi-uân jîn-kháu
siōng tsē ê siânn-khu.

這篇除了共城市人口變化講甲活跳
跳，

Tsit phinn tû-liáu kā
siânn-tshī jîn-kháu piàn-
huà kóng kah uâh-thiàu-
thiàu,

嘛提供各縣市的臺語名通參考。
mā thê-kiong kok kuân-tshī
ê Tâi-gí miâ thang tsham-
khó.

「臺中市咧欲成做臺灣
“Tâi-tiong-tshī teh-beh
tsiânn-tsò Tâi-uân

第二大城市」的識語，
tē-jī tuā siânn-tshī” ê
tshàm-gí,

講幾若個月，
kóng kuí-nā kò guèh,

終其尾佇今年下半冬起鼓的8月初1
實現矣。

tsiong-kî-bué tī kin-nî ē
puànn tang khí-kóo ê 8
guèh tshe 1 sít-hiân --ah.

到甲 7 月底，
 Kàu kah 7 guéh-té,

 臺中市人口 277 萬 8182 人，
 Tâi-tiong-tshī jîn-kháu
 277 bân 8182 lâng,

 高雄市 277 萬 7873 人，
 Ko-hiông-tshī 277 bân 7873
 lâng,

 臺中市加 300 桶人，
 Tâi-tiong-tshī ke 300
 thóng lâng,

 成做臺灣第二大城市，
 tsiânn-tsò Tâi-uân tē-jī
 tuā siânn-tshī,

 而且因為最近幾冬臺中人口增幅
 jī-tshiánn in-uī tsuè-kîn
 kuí tang Tâi-tiong jîn-
 kháu tsing-hok

 攏比高雄較緊，
 lóng pí Ko-hiông khah kín,

 佇通按算的未來，
 tī thang àn-sng ê bī-lâi,

 臺中亞軍地位無疑悟。
 Tâi-tiong a-kun tē-uī bô-
 gī-ngōo.

 臺灣各縣市以新北市人口上濟，
 Tâi-uân kok kuân-tshī í
 Sìn-pak-tshī jîn-kháu
 siōng tsē,

佇今年 6 月底的統計，
 tī kin-nî 6 guéh-té ê
 thóng-kè,

 有 398 萬 2434 人，
 ū 398 bân 2434 lâng,

 閣差 1 萬 7 千桶人就欲到 400 萬人的坎站，
 koh tsha 1 bân 7 tshing
 thóng lâng tō beh kàu 400
 bân lâng ê khám-tsām,

 超過第二名高雄市有 120 萬人遮爾濟，
 tshiau-kuè tē-jī miâ Ko-
 hiông-tshī ū 120 bân lâng
 tsiah-nī tsē,

 通按算的未來除了行政區域重新劃分等重大事項，
 thang àn-sng ê bī-lâi tū-
 liáu hîng-tsing khu-hik
 tiông-sin uéh-hun tít
 tiông-tâi sū-hāng,

 無，新北市會長期領先各縣市，
 bô, Sìn-pak-tshī ē tng-kî
 líng-sian kok kuân-tshī,

 人口上濟擲頭旗。
 jîn-kháu siōng tsē giáh
 thâu-kî.

但是佇人口第二名的競爭，
Tân-sī tī jîn-kháu tē-jī
miâ ê kīng-tsing,

高雄 6 月底以 277 萬 8023 人，
Ko-hiông 6 guéh-té í 277
bân 8023 lāng,

超過臺中的 277 萬 6579 人猶閣有
1400 桶人，
tshiau-kuè Tâi-tiong ê 277
bân 6579 lāng iáu-koh ū
1400 thóng lāng,

占亞軍毋過不止仔倚近；
tsiàm a-kun m̄-koh put-tsí-
á uá-kīn;

而且最近幾冬的趨勢，
jī-tshiánn tsuè-kīn kuí
tang ê tshu-sè,

臺中人口成長率比高雄較緊，
Tâi-tiong jîn-kháu sīng-
tióng-lút pí Ko-hiông khah
kín,

所以臺中市方面一直樂觀識講
sóo-í Tâi-tiong-tshī hong-
bīn it-tīt lók-kuan tshàm
kóng

「咧欲成做臺灣第二大城市」。
“Teh-beh tsiânn-tsò Tâi-
uân tē-jī tuā siânn-tshī”.

誠實有影，
Tsiânn-sit ū-iánn,

經過 7 月的人口變化，
king-kuè 7 guéh ê jîn-kháu
piàn-huà,

臺中增加，
Tâi-tiong tsing-ka,

高雄顛倒減少，
Ko-hiông tian-tò kiám-
tsió,

一下按呢，
tsit-ē án-ne,

臺中超過高雄 300 桶人，
Tâi-tiong tshiau-kuè Ko-
hiông 300 thóng lāng,

正式躡起來成做臺灣第二大城市，
tsing-sik liòng --khí-lâi
tsiânn-tsò Tâi-uân tē-jī
tuā siânn-tshī,

高雄第三，
Ko-hiông tē-sann,

臺北以 269 萬人綴後，
Tâi-pak í 269 bân lāng tuè
āu,

閣來是桃園 261 萬占第五，
koh-lâi sī Thô-hîng 261 bân
tsiàm tē-gōo,

臺南 188 萬排第六。
Tâi-lâm 188 bân pài tē-
lák.

非六都的部份,
Hui lāk too ê pōo-hūn,

彰化 128 萬擲頭旗,
Tsiang-huà 128 bān giáh-thâu-kî,

憑頭排落來是屏東 83 萬、雲林、
pîn thâu pài --lòh-lâi sī
Pîn-tong 83 bān, Hūn-lîm,

苗栗、新竹縣、嘉義縣、南投、
Biâu-lîk, Sîn-tik-kuân,
Ka-gī-kuân, Lâm-tâu,

宜蘭、新竹市、基隆、花蓮、
Gī-lân, Sîn-tik-tshī, Ke-lâng,
Hua-liân,

嘉義市、臺東、金門、澎湖、連江。
Ka-gī-tshī, Tâi-tang, Kim-m̄ng,
Phînn-ôo, Liân-kang.

若準看人口密度,
Nā-tsún khuànn jîn-kháu
bít-tōo,

以縣市區分,
í kuân-tshī khu-hun,

臺北以每平方公里欲倚萬人擲頭旗,
Tâi-pak í muí pîng-hong
kong-lí beh uá bān lāng
giáh-thâu-kî,

嘉義市 4400 桶人占第二,
Ka-gī-tshī 4400 thóng lāng
tsiàm tē-jī,

新竹市 4200 桶人倚第三,
Sîn-tik-tshī 4200 thóng
lāng khiā tē-sann,

基隆第四、新北市第五。
Ke-lâng tē-sì, Sîn-pak-tshī
tē-gōo.

若照區或者鄉鎮來分,
Nā tsiàu khu hìk-tsiá
hiong-tìn lâi hun,

人口密度懸的,
jîn-kháu bít-tōo kuân --ê,

攏是院轄市的區,
lóng sī ìnn-hat-tshī ê
khu,

新北市永和區每平方公里
Sîn-pak-tshī Íng-hô-khu
muí pîng-hong kong-lí

3 萬 9 千人擲頭旗,
3 bān 9 tshing lāng giáh-thâu-kî,

臺北市大安區 2 萬 7 千人占第二,
Tâi-pak-tshī Tâi-an-khu 2
bān 7 tshing lāng tsiàm
tē-jī,

繼來憑頭是新北市蘆洲、
suà--lâi pîn thâu sī Sin-
pak-tshī Lôo-tsiu,

高雄市新興、新北市板橋、
Ko-hiông-tshī Sin-hing,
Sin-pak-tshī Pang-kiô,

三重埔、臺北市大同、
Sann-tîng-poo , Tâi-pak-
tshī Tâi-tông,

松山、艋舺、臺中市北區。
Siông-san, Báng-kah, Tâi-
tîong-tshī pak-khu.